

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 54. Zakona o izvršavanju budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13), Vlada Zeničko-dobojskog kantona, na prijedlog Ureda Premijera, na 188. sjednici, održanoj 23.10.2014. godine, d o n o s i:

ODLUKU

o uvećanju sredstava u Budžetu Zeničko-dobojskog kantona za 2014. godinu

Član 1.

(Predmet)

(1) Odobrava se uvećanje sredstava planiranih u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13) za budžetskog korisnika Ured Premijera.

(2) Uvećanje sredstava u Budžetu Zeničko-dobojskog kantona za 2014. godinu, vrši se na slijedeći način:

- na razdjelu 11, budžetska organizacija 01, potrošačka jedinica 0001 – Ured Premijera – sredstva na poziciji 614100 – Tekući transferi drugim nivoima vlasti - Plan izdaci iz donacija uvećavaju se za 1.600.000,00 KM,

- u Budžetu Zeničko-dobojskog kantona za 2014. godinu u dijelu A. PRIHODI u koloni Budžet 2014. godina na poziciji 733116 – Donacije od domaćih fizičkih i pravnih lica za otklanjanje posljedica prirodne nesreće i obnovu područja zahvaćenih prirodnom nesrećom, uvećavaju se za 1.600.000,00 KM.

Član 2.

(Namjena korištenja i izvještavanje)

Uplaćena namjenska sredstva od strane Vlade Federacije Bosne i Hercegovine, Ured Premijera će utrošiti za obnovu putne infrastrukture usljed prirodne nesreće na području općina Žepče i Zenica, te saniranje dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona.

Član 3.

(Realizacija odluke)

Za realizaciju ove Odluke zadužuju se Ured Premijera i Ministarstvo finansija, svako u okviru svoje nadležnosti.

Član 4.

(Stupanje na snagu)

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-_____/14

Datum, 23.10.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured Premijera,

1x Ministarstvo finansija,

1x Stručna služba Vlade,

1x „Službene novine Zeničko-dobojskog kantona“,

1x a/a.